

樂府詩集

六

樂府詩集卷第二十

太原

郭茂倩

補次

鼓吹曲辭

謝

齊隨王鼓吹曲

朓

齊永明八年
那迦參補兩時
王教於荊州

道中作一曰元會曲二曰郊祀曲三曰釣
天曲四曰入朝曲五曰出藩曲六曰校獵
曲七曰從戎曲八曰送遠曲九曰登山曲
十曰泛水曲釣天已上三曲頌帝功校獵
已上三曲頌藩德

元會曲

二儀啓昌曆三陽一作朝應慶期珪贊紛成序鞮譯憬來
思分階葩組練充庭羅翠旗觴流白日下吹謐景雲滋
天儀穆藻殿萬寓壽一作慶一作皇基

郊祀曲

六宗禋祀岳五畤奠甘泉整蹕遊九闕清簫開八壘鏘
鏘玉鑾動溶溶金陣旋郊宮光已屬音注升柴禮旣虔福
響靈之集南岳固斯年

鈞天曲

史記曰趙簡子疾五日不知人居二日半
簡子寤語大夫曰我之帝所甚樂與百神
遊于鈞天廣樂九奏萬舞鈞天之名蓋取

諸此

高宴浩天臺置酒迎風觀笙鏞禮百神鍾石動雲漢瑤
臺一作堂
一作琴
一作費瑟驚綺席舞衣散威鳳來參差玄鶴起
去一作流亂已慶廟庭樂詎慙南風彈

入朝曲

江南佳麗地金陵帝王州逶迤帶綠水迢遞起朱樓飛
甍夾馳道垂楊蔭御溝凝笳翼高蓋疊鼓送輦輶獻納
雲臺表功名良可收

出藩曲

披紫微內分組承廟阿飛艎游一作遡極浦旌節去關
河眇眇蒼山色沉沉遠寒一作水波饒音巴渝曲簫管盛

唐歌夫君邁遺德江漢仰清和

校獵曲

凝霜冬十月殺盛涼颼哀一作開原澤曠千里騰騎紛一作作絡
往來平置望烟合烈火從風迴殪獸華容浦張樂荆
山臺虞人皆有諭明廟時戒哉

從戎曲

選旅亂轔轔弭節赴一作趨河源日起霜戈照風迴連騎
飈紅塵朝夜合黃河萬里昏寥戾清笳轉蕭條邊馬煩
自勉輶耕願征役去何言

送遠曲

北梁辭歡宴南浦送佳人方衢控龍馬平路騁朱輪瓊

筵妙舞絕桂席羽觴陳白雲丘陵遠山川時未因一爲
清吹激潺湲傷別巾

登山曲

天明開秀崿瀾光媚碧隄風盪飄鶯辭一作翻雲華一作行
飛芳樹低暮春春服美游駕凌一作躡丹一作石梯升嶠旣
小魯登巒且悵齊王孫尚游行蕙草正萋萋

泛水曲

玉露一作霜霑翠葉金風鳴素枝罷遊平樂苑泛鷁昆明
池旌羽一作旗散容裔簫管一作鼓吹參差日晚厭遼渚採
菱贈清漪百年如流水寸心寧矣知

齊鼓吹曲

入朝曲

李白

金陵控海浦綠水帶吳京饒歌列騎吹颯沓引公卿
鍾速嚴妝伐鼓啓重城天子憑玉鞍劍履若雲行日出
照萬戶簪裾爛明星朝罷沐浴閒遨遊闌風亭濟濟雙
闕下歡娛樂恩榮

送遠曲

張籍

戲馬臺南山簇簇山邊飲酒歌別曲行人醉後起登車
席上回樽勸僮僕青天湧湧覆長路遠遊無家安得住
願君到處自題名他日知君從此去

泛水曲

王建

載酒入烟浦方舟泛綠波水酌我復飲子飲我還歌蓮

深微路通峯曲幽氣多閑芳無畱瞬弄桂不停柯水上
秋月鮮西山碧峩峩茲歡良可貴誰復更來過

梁鼓吹曲

沈約

隋書樂志曰梁高祖制鼓吹新歌十二曲
一曰木紀謝二曰賢首山三曰桐柏山四
曰道亡五曰忱威六曰漢東流七曰鶴樓
峻八曰昏主恣淫慝九曰石首局十曰期
運集十一曰於穆十二曰惟大梁

木紀謝

隋書樂志曰漢第一曲朱鷺改爲木紀謝
言齊謝梁升也

木紀謝火炎一作運昌炳南陸耀炎光民去癸鼎歸梁鮫
魚出慶雲翔鸞五帝軼三王德無外化溥將仁蕩蕩義
湯湯浸金石達昊蒼橫四海被八荒舞干戚垂衣裳對
天眷坐巖廊胤有錫祚無疆風教遠禮容盛感人神宣
舞詠降繁祉延嘉慶

賢首山

隋書樂志曰漢第二曲思悲翁改爲賢首
山言武帝破魏軍於司部肇王迹也

賢首山險而峻乘峴憑臨胡陣騁奇謀一作謨奮卒徒斷
白馬塞飛狐殪日逐殲骨都刃谷蠡馘林胡草旣潤原
亦塗輪無反幕有烏掃殘孽震戎道揚凱奏展歡酺詠

秋杜旋京吳

桐柏山

隋書樂志曰漢第三曲艾如張改爲桐柏
山言武帝牧司王業彌章也

桐柏山淮之首肇基帝迹遂光區有大震邊關殞獯醜
農旣勸民惟阜穗充庭稼盈畝迨嘉辰蘢芳糗納寒場
爲春酒昭景福介眉壽天斯長地斯久化無極功無朽

道亾

隋書樂志曰漢第四曲上之回改爲道亾
言東昏喪道義師起樊鄧也

道亾數極歸永元悠悠兆庶盡含冤沈河莫極皆無安

赴海誰授矯龍翰自樊漢仙波流水清且瀾救此倒懸
拯塗炭誓師剴旅赫靈斷率茲八百驅十亂登我聖廟
由多難長夜杳冥忽云旦

忱威

隋書樂志曰漢第五曲擁離改爲忱威言
破加湖元勲建也

忱威授律命蒼光一作鬼言薄加湖灌秋水廻瀾澗泊汎
增雉爭河投岸掬盈指犯刃嬰戈洞流矢資此威盛一作
烈齊文軌

漢東流

隋書樂志曰漢第六曲戰城南改爲漢東

流言義師克魯山城也

漢東流江之汭逆徒蜂聚旌旗紛蔽仰振威靈乘高騁
銳至仁解網窮鳥入懷因此龍躍言登泰階

鶴樓峻

晉書樂志曰漢第七曲巫山高改爲鶴樓
峻言平郢城兵威無敵也

鶴樓峻連翠微因巖設險池永歸脣凹齒懼薄言震耀
靈威凶衆稽額天不能違金湯無所用功烈長巍巍

昏主恣淫慝

隋書樂志曰漢第八曲上陵改爲昏主恣
淫慝言東昏政亂武帝起義平九江姑熟

大破朱雀伐罪弔民也

昏主恣淫慝皆曰自昌盛上仁矜億兆誓師爲請命既
齊丹浦戰又符甲子辰龜難伐有罪伐罪弔斯民悠悠
萬姓於此覩陽春

石首局

隋書樂志曰漢第九曲將進酒改爲石首
局言義師平京城仍廢昏定大事也

石首局北墉墐新堞嚴東壘峻芙蓉表裏遙相鎮矢未飛
鼓方振競銜璧竝輿櫬酒池擾象廊震同伐謀兼善陳
闢應和掃煥燼翦庶惡靡餘胤

期運集

隋書樂志曰漢第十曲有所思改爲期運

集言武帝膺籙受禪德盛化遠也

期運集惟皇膺

一作應

寶符龍躍清漢渚鳳起方

一作南

城

隅謳歌芳適夏獄訟兩違朱

二儀啓佳

一作嘉

祚千載猶

旦暮舞蹈流帝功金玉

一作石

昭王度

於穆

隋書樂志曰漢第十一曲芳樹改爲於穆
言大梁闡運君臣和樂休祚方遠也

於穆君臣君臣和以肅關王道定天保樂均靈固宴同

在鎬前庭

一作庭前懸鼓鍾

左右列笙鏞纓佩俯仰有則備

禮容翔振鶩騁羣龍隆周何足擬遠與唐比蹤

惟大梁

隋書樂志曰漢第十二曲上邪改爲惟大
梁言梁德廣運仁化洽也

惟大梁開運受籲膺一作應圖君八極一作天冠帶被五
都一本無冠字四海竝和會排闕疑塞無異塗

隋凱樂歌辭

述帝德

於穆我后睿哲欽明膺天之命載育羣生開元創曆邁
德垂聲朝宗萬寓祇事百靈煥乎皇道昭哉帝則惠政
滂流仁風四塞淮海未賓江湖背德運籌必勝濯征斯
克八荒霧卷四表雲寨雄圖盛略邁後光前寰區已泰

福祚方延長歌凱樂天子萬年

述諸軍用命

帝德遠覃天維宏布功高雲天聲隆韶護惟彼海隅未
從王度皇赫斯怒元戎啓路相相猛將赳赳英謨攻如
燎髮戰似摧枯救茲塗炭克彼妖逋塵清兩越氣靜三
吳鯨鯢已夷封疆載一作在闢班馬蕭蕭歸旌奕奕雲臺
表勅司勲紀績業竝山河道固金石

述天下太平

阪泉軒德丹浦堯勲始實以武終乃以文嘉樂聖主大
哉爲君出師命將廓定重氛書軌旣并干戈是戢弘風
設教政成人立禮樂聿興衣裳載緝風雲自美嘉祥爰

樂府二十卷
集皇皇聖政穆穆神猷牢籠虞夏度越姬劉日月比耀
天地同休永清四海長帝九州

唐凱樂歌辭

唐書樂志曰唐制凡命將出征有大功獻
俘馘其凱樂用饒吹二部樂器有笛筆篥
簫笳鎣鼓歌七種迭奏破陣樂等四曲一
破陣樂二應聖期三賀聖歡四君臣同慶
樂初太宗平東都破宋金剛其後蘇定方
執賀魯李勣平高麗皆備軍容凱歌以入
而貞觀顯慶開元禮竝無儀注太常舊有
破陣樂應聖期兩曲歌辭至太和三年始